



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

Anr.916/2021

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Burim Ademi Kryesues, Zuhdi Haziri dhe Kymete Kicaj anëtar, duke vendosur përkitazi me apelin e kandidatit për anëtarë të Kuvendit Komunal në Komunën e Pejës, Nasret Hajrizi nga Subjekti Politik Partia Demokratike e Kosovës, me seli në Prishtinë, dega në Komunën e Pejës, paraqitur kundër vendimit me numër 2948-2021 i datës 03.11.2021, të Komisionit Qendror të Zgjedhjeve (KQZ), për Shpalljen e Rezultateve Përfundimtare për Zgjedhjet Lokale 2021, për Kuvendin Komunal, në seancën e panelit të mbajtur më datë 07.11.2021, mori këtë:

V E N D I M

I. Pranohet pjesërisht i bazuar apeli Anr.916/2021, paraqitur nga kandidati për anëtarë të Kuvendit Komunal në Komunën e Pejës, Nasret Hajrizi nga Subjekti Politik Partia Demokratike e Kosovës, me seli në Prishtinë, dega në Komunën e Pejës, kundër vendimit me numër 2948-2021 i datës 03.11.2021, të Komisionit Qendror të Zgjedhjeve (KQZ), për Shpalljen e Rezultateve Përfundimtare për Zgjedhjet Lokale 2021, për Kuvendin Komunal, për Qendrat e Votimit: QV 1707C, QV 1716C, 1708C.

II. Urdhërohet Komisioni Qendror i Zgjedhjeve (KQZ), që të rinumëroj vetëm fletëvotimet për kandidatët për anëtar të Kuvendit Komunal të Prishtinës, nga radhët e subjektit politik Lëvizja Vetëvendosje, në Qendrat e Votimit: QV 1707C, QV 1716C, 1708C.

III. Rezultati i cili del pas rinumërimit të fletëvotimeve në Qendrat Votimeve, të vendosura si në pikën **-II-** të këtij dispozitivi të këtij vendimi, të përfshihen në rezultatin përfundimtar.

IV. Refuzohet e pabazuar pjesa e apelit Anr.916/2021, paraqitur nga kandidati për anëtarë të Kuvendit Komunal në Komunën e Pejës, Nasret Hajrizi nga Subjekti Politik Partia Demokratike e Kosovës, me seli në Prishtinë, dega në Komunën e Pejës, kundër vendimit me numër 2948-2021 i datës 03.11.2021, të Komisionit Qendror të Zgjedhjeve (KQZ), për Shpalljen e Rezultateve Përfundimtare për Zgjedhjet Lokale 2021, për Kuvendin Komunal, për Qendrat e Votimit QV 1710C, QV 1711C.

A r s y e t i m

PZAP-i, ka pranuar një apel me datën 04.11.2021 nga kandidati për Kuvend Komunal Nasret Hajrizi nga Subjekti Politik Partia Demokratike e Kosovës, me seli në Prishtinë, dega në Komunën e Pejës, në të cilën ndër të tjera pretendon se në qendrat e votimeve QV 1707C,

QV 1716C, 1708C, QV 1710C, QV 1711C, ka pasur parregullsi, pasi që ka pasur mospërputhje. Në apel ka bashkangjitur deklaratat të votuesve.

PZAP-i, pas shqyrtimit të apelit, vlerësimin të pretendimeve ankimore, vlerësimin të provave të bashkangjitura dhe sipas vlerësimin të gjitha shkresave të kryer nga vet PZAP, në ankesë në kuptim të nenit 105 paragrafi 1, dhe nenit 117 paragrafët 2 dhe 3 të LZP-së, gjeti se:

Apeli është pjesërisht i bazuar.

Nga shkresat e lëndës, rezulton fakti se, Kandidati për Kuvend Komunal nga Subjekti Politik Partia Demokratike e Kosovës, Nasret Hajrizi, kërkon rinumërimin e votave në Qendrat e Votimit të lartcekura, Paneli pas shqyrtimit të apelit erdhi në përfundim se apeli i ushtruar nga Nasret Hajrizi Kandidat për Kuvend Komunal nga Partia Demokratike e Kosovës, me të cilin apel kërkon që ti rinumërohen votat në qendrat e votimit të lartcekura është pjesërisht i bazuar.

Paneli vlerëson se apeli është i bazuar sa i përket Qendrave të Votimit, të vendosura si në pikën -II- të dispozitivit të këtij vendimi, nga se rezulton se në Rezultatet përfundimtare nga KQZ, të Kandidateve në Qendrat e Votimit QV 1707C, QV 1716C, 1708C, nuk përputhën votat në këto Qendra të Votimit, me deklaratat e votuesve të bashkangjitur në shkresat e lëndës. Në Qendrën e Votimit QV 1707C, për kandidatin në fjalë në rezultatet përfundimtare të publikuara nga ana e KQZ-së, ka rezultuar se ka gjithsej 14 vota, ndërsa në shkresat e lëndës kemi të bashkangjitur 18 deklaratat të votuesve të cilët kanë deklaruar se ka votuar në këtë qendër për kandidatin e lartcekur. Në Qendrën e Votimit QV 1716C, nga rezultatet përfundimtare të publikuara nga ana e KQZ-së, ka rezultuar se ka gjithsej 5 vota, ndërsa në shkresat e lëndës kemi të bashkangjitur 5 deklaratat nga Votuesit të cilët dëshmojnë se kanë votuar në këtë Qendër, për kandidatin e lartcekur. Në Qendrën e Votimit QV 1708C, nga rezultatet përfundimtare të publikuara nga ana e KQZ-së, ka rezultuar se ka gjithsej 0 vota, ndërsa në shkresat e lëndës kemi të bashkangjitur 2 deklaratat nga Votuesit të cilët dëshmojnë se kanë votuar në këtë Qendër, për kandidatin e lartcekur. Sipas deklaratave të votueseve të bashkangjitura në apel e që ndërlidhen me këto QV, kemi me shumë deklaratat si dëshmi që deklarojnë se kanë votuar të njëjtin mirëpo këto vota nuk rezultojnë të jenë në rezultatin përfundimtar të shpallur nga KQZ-ja, prandaj paneli konstaton se ka mospërputhje të rezultatit përfundimtar me deklaratat e votueseve andaj PZAP nga këto arsye, dhe në mbështetje të nenit 117.4 të LZP-së e urdhëron KQZ-në që të bëhet rinumërimi i fletëvotimeve për qendrat e votimit e si në pikën II të dispozitivit të këtij vendimi..

Paneli, vlerëson se ky rinumërim e bënë procesin e numërimit të fletëvotimeve dhe shpalljen e rezultateve të saktë në kuptim të nenit 101 paragrafi 1 i LZP-së, me të cilin përcaktohet se: *“Procedura e numërimit të fletëvotimeve qeverisen nga objektivat e mëposhtme: saktësia, transparencja, efikasiteti, mundësia për rinumërim dhe përsëritja e zgjedhjeve dhe mbrojtja e fshehtësisë së votës”*. Nga kjo rezulton se mos procedimi i fletëvotimeve sipas dispozitivit të lartë cituar, përveç cenimit të saktësisë, transparencës dhe kredibilitetit, po ashtu cenon integritetin e procesit zgjedhor dhe se pa evitimin e kësaj parregullsie, përmes rinumërimit, ky integritet dhe kredibilitet do të vihet në pikëpyetje. Andaj PZAP nga këto arsye, dhe në mbështetje të nenit 117.4 urdhëron që të bëhet rinumërimi i fletëvotimeve për vendvotimet e lartcekura. Si në pikën II të dispozitivit.

Ndërsa sa i përket pjesës refuzues, të vendosur si në pikën -IV-, te dispozitivit paneli, vlerëson se parashtruesi i apelit në mbështetje të pretendimeve të tij, nuk ka ofruar dëshmi të qarta dhe bindëse lidhur me shkeljet e supozuara për mospërputhje të rezultateve, edhe pse në kuptim të nenit 117 paragrafi 3 të LZP-së, barra e të provuarit bie mbi ankuesin, në rastin konkret paneli, nuk mundi të konstatoj se ka pasur manipulime gjatë numërimit të votave për kandidatin e parashtruesit të apelit në raport me votat e kandidatëve të këtij subjekti politik, ashtu siç pretendon ankuesi, për faktin se thëniet e tij nuk mbështetën në asnjë provë konkrete por janë vetëm theksime në apel, gjë që pritet e ankuesit për të marrë më shumë vota nuk nënkupton se ka mospërputhje të rezultatit si dhe llogaritja matematikore nga ana e ankuesit nuk argumenton shkeljet e pretenduara në apel.

Paneli me rasti e vendosjes mori për bazë pretendimet e ankuesit se deklaratat e dorëzuar për QV-të të vendosura në pikën -IV-, të dispozitivit të këtij vendimi i shqyrtoi deklaratat për secilën Qendër të Votimit dhe erdhi në përfundim se në këto Qendra të Votimit ka më shumë vota se sa deklarata të votuesve për secilën Qendër të Votimit veç e veç. Në rastin konkret apeluesi me asnjë provë shkresore nuk ka argumentuar se në QV të vendosur në pikën IV të dispozitivit ka parregullsi me rastin e publikimit të rezultatit apo ka me shumë vota sesa janë publikuar në rezultatit përfundimtar, sepse deklaratat e bashkangjitura për këto Qendra të Votimit janë më pak se sa ka vota ankuesi, e që rezulton se deklaratat për këtë pjesë nuk mund të konsiderohen prova bindëse, për të dëshmuar parregullsi gjatë numërimit, prandaj u vendos si në pikën IV të dispozitivit të këtij vendimi.

Prandaj më qëllim të evitimit të këtyre lëshimeve të lartë cekura dhe bazuar në nenet 115.1, dhe nenin 119.5 të LZP-së, ku parashihet se, *PZAP-i mundet që sipas vendimit të tij të shqyrtoj çështje të cilat përndryshe janë nën juridiksionin e tij kur kjo është rreptësisht e domosdoshme për të parandaluar padrejtësi serioze* po ashtu lidhur me nenin 118 paragrafi 1 dhe 120 par. Pika d) të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

Anr.916/2021 më datën 07.11.2021



Këshillë Juridike: Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.